LE HERAVLT FRANCOIS,

OV

Le Paranymphe de Monsieur le Mareschal de la Mothe-Houdancour, Duc de Cardone, &c.

Publiant les Batailles qu'il a données en Italie & Catalogne, auec les memorables actions de sa vie.

araice Acel TRAP CITARIE AND AP.

Vis que les esprits ne sont plus sous la tyrannie, & qu'it est permis à tous ceux qui n'osoient parler à l'auantage de la vertu, de la faire parestre auec toutes ses beautez naturelles, Jen'ay pû cacher plus long-temps vn Ouurage que la iustice auoit exigé de mes sentimens, en

faueur de Messire Philippe Hovdancove, illvstre Mareschal de France, & que la crainte d'vn orgueilleux Ministre d'Estat m'auoit empesché de produire depuis deux ans. C'est vn portraiet de ce Grand Homme, que i'expose aux yeux de toute la France, & dans l'object duquel ie n'oblige pas peu la posterité, puis que ie luy laisse des leçons pour luy saire aymer la vertu: Les gens de bien m'en sçauront gré; ie ne me mettray pas en peine si les hommes qui n'auront pas cette qualité, me regardent d'vn œil de trauers.

faireurs de la fortune. Il y est monté par tous les degrez, où l'espée peut éleuer vn Gentil-homme, & i ose dire que son courage en a fair toute la matiere. De Soldat, il fut Cornette de la Compagnie d'vn Prince; le temps le fit premier Capitaine dans le Regiment de Pfalfebourg; ses merites l'auancerent au commandement d'vn Regiment de Caualerie; Il suite nsuite Mestre de Camp d'vn Regiment d'Infanterie; Il deuint Gouuerneur de Place Frontiere; Mareschal de Bataille; Lieutenant de Roy dans vne des plus belles Prouinces de France; Mareschal de Camp; Lieutenant General d'vn Prince du Sang au commandement des Armées; General d'Armée en ches; Mareschal de France, Vice-Roy de Catalogne, & Duc de Cardone.

Il commença de porter les armes aux attaques de Negreplisse & Sainct Antonin, qui se sirent en 1622, sut Cornette du Duc de Mayenne aux Sieges de Sommieres, Lunel & Montpellier; passa peu de temps aprés en Oleron, pour appuyer le sieur Houdancour son aisné, qui commandoit le Regiment de la Reyne-Mere en cette Isle; Se voulut trouuer à la bataille nauale que le Duc de Montmorency gaigna contre les Rochelois en 1625. Ne contribua pas peu de chose aux soins de l'Euesque de Mande son frere, qui s'estoit chargé de ietter du secours dans l'Isle de Rhé; suivit le Mareschal de Schomberg qui passa dans cette Isle auec sorce trouppes, & suit à la dessaite

de l'armée Angloise que le Bukinghan commandoit.

La Rochelle estant alors assiegée par l'Armée Royalle, il vid les premieres dispositions à sa prise, par l'establissement des Quartiers: Mais sa Maiesté le iugeant plus necessaire ailleurs que deuant les murailles de cette Place, il sut commandé pour le Dauphiné, où le Prince de Condé Generalissime en Languedoc, Dausiné, Guyenne & Prouence, faisoit estat de nettoyer les riues du Rhosne, des Places que ceux de la Religion pretenduë y tenoient. Son obeissance se trouvant bien d'accord auec ces ordres, il se rendit dans l'armée de ce Prince pour y commander le Regiment de Psalsebourg, dont il estoit premier Capitaine, le suivit au Siege de Suyan en Viuaretz, alla reconnoistre la Place auec deux cens hommes, rompittrois barricades qui luy surent dressées, pendant qu'il alloit à cette occasion; sut à la prise des Forts de Sainct Alban, & de Beau-Castel, & seruit ainsi fort viilement à restablir le commerce du Rhosne, que ces Places auoit ruiné.

Les Chasteaux de Vauvert & de Quelart ayans esté surpris par ceux de Nisines, & le Duc de Rohan s'estant approché de cette Place, pour disputer le passage de la riuiere de Vvistre à l'armée du Prince, Son Altesse commanda sous ses ordres trois Compagnies de Caualerie, auec le Regiment de Pfalsebourg, pour passer de l'autre costé: ce qu'il sit, auec vne contenance si resoluë, que les trouppes du Duc de Rohan n'oserent se disposer au combat pour l'aller chocquer: de sorte que s'y retranchant puissamment, il asseura le passage. à toute l'armée.

Normandie ayant esté repousé de la breche auec grande perte, il y donna de telle vigueur, qu'il l'emporta mal gré toute la resistance des ennemis, Action qui donna tant de frayeur à la garnison, qu'ayant abandonné les murailles pendant les tenebres, les habitans se rendirent à discretion. Ses essorts continuerent au degast des campagnes de Castres, aux Sieges de Realmont, de Sainct Seuer, & de Castelnau: Il sit encor la retraite de Saincte Afrique, marcha pour le secours de Creissel attaqué par le Duc de Rohan; & pour sinir cette campagne, par vne action de pareille estosse, tailla en pieces les trouppes que le Gouuerneur de Montauban auoit establies en des postes cachez, pour surprendre le Prince de Condé qui faisoit voyage en Berry.

Le Duc de Montmorency demeuré pour commander cette armée, ne l'employa pas moins vtilement aux Seuennes, aux pays de Foix, & de Viuaretz; le Roy mesme ayant forcé les Alpes, fait leuer le premier Siege de Cazal, donné la paix à l'Italie, & voulant auoir Priuas, vne des plus asseurées retraites des Huguenots, il enuoya querir son Regiment, sur l'esperance d'en tirer de grands auantages pendant le Siege: En quoy sa Majesté ne sut point trompée; car s'estimant assez glorieux d'auoir les yeux de son Prince, pour tesmoins de ses actions, il tua en combat singulier, à la veuë de toute l'armée, vn Caualier des ennemis, qui auoit ozé mettre la main sur la picque d'vn Soldat de sa compagnie; Ne s'estonna pas quand il se veit engagé sous les ruines d'vne tour qui l'auoit mis tout viuant en terre, sortit de là pour aller à l'assaut, & combatit si gaillardement à la corne du bastion, qu'estant appuyé d'vn bon nombre de braues courages, cette piece sut glorieusement emportée.

Les guerres de la Religion finirent heureusement en cette campagne: les Estrangeres se renouvellerent auec le Printemps, qui sit le commencement de 1630. le Cardinal de Richelieu passant les Monts en qualité de Generalissime des armées de sa Maiesté; ce Capitaine sut commandé pour ce voyage, sut à la prise de Pignerol, &

> 944.03 M475m No. 1624

le, vn des plus fameux pelerinages de la Chrestienté, que lesoldat

n'y peut donner atteinte qu'auec le desir.

Le Duc de Longueville ayant alors esté commandé de passer en Italie pour le secours de la Duchesse de Sauoye, la conduite de toute l'amée luy sut donnée auec ordre de faire toute la diligence possible, ce qu'il executa si sagement, qu'ayant affermi toutes les villes du Marquisat de Saluces au seruice de la Duchesse de Sauoye, il arriua instement deuant Chiuas assiegé par le Cardinal de la Valette, deux heures auant que le Prince Thomas & le Marquis de Leganez parussent pour forcer les lignes, ce qu'ils pouuoient faire auec vne puissante armée qui les suiuoit: de sorte que ne leur empeschant pas seulement le secours de la place, il sut vne des principales causes de leur retraitte & de la reddition de la place, qui capitula sur le desespoir d'estre secouruë.

Cette action fut la premiere qui luy donna de la gloire dans le Piedmont, le temps luy en sit naistre vn grand nombre d'autres: La ville & le Chasteau de Bene surent emportez, la Ville sans difficulté, le Chasteau que l'on croyoit imprenable, apres beaucoup de peine & de grands trauaux: La quatriesme occasion sut de courir au secours de la Citadelle de Turin, la ville ayant esté surprise par les intelligences que les Princes de Sauoye auoient dedans, & de sormer le siege de cette ville pour le salut de la Citadelle; mais vne suspension d'armes en Piedmont ayant esté accordée en ce mesme, temps, ce siege sur remis à vne autre sois.

Le Duc de Longueville ayant receu pendant cette trefve les ordres de commander l'armée d'Allemagne, qui n'auoit plus de Chef par la mort du Duc de Vveymar; ce Prince luy laissa la conduite de son armée, qu'il commanda tousiours en corps separé, soit sous le Cardinal de la Valette, soit sous le Comte de Harcourt, qui de General de l'armée nauale, sut appellé dans le Piedmont par la mort de

ce Cardinal.

Cette campagne se peut appeller celle des merueilles, & l'on pourroit faire vniuste volume des beaux exploits que l'on y sit, neant-moins j'en parleray fort succinstement. Elle commença par la resolution de ietter dans Cazal vn puissant secours d'hommes & de munitions; ce sera par ce mesme endroit aussi que i'en commenceray le discours. Pour faciliter ce dessein, il se falloit saisir de Quiers: le Comte de Harcourt ayant donc veu arriuer la nuit du vingt-quatriesme d'Octobre, iour auquel expiroit cette suspension d'armes,

dont nous auons parlé cy-dessus, il commanda ce Capitaine pour aller inuestir la place, ce qu'il executa si heureusement, qu'ayant désait quatre cens cheuaux qui marchoient pour entrer dedans, il en facilita la prise, la garnison n'estant pas capable de la dessendre.

Ce fut par la conqueste de cette place que l'on n'eut pas beaucoup de peine à rafraischir Cazal de toutes les munitions necessaires; mais dautant que les Ennemis n'auoient pû rompre le cours à cette entreprise, ils resolurent de faire perir l'armée Françoise & de l'affamer. Les Princes de Sauoye employerent donc tous leurs soins à couper les viures du costé de Turin, & le Marquis de Leganez se vint poster à mesme dessein à Cambian, Poyrin & Villestelon, ce qui reduisit l'armée à de grandes necessitez pendant quelques iours; mais enfin la resolution du Comte de Harcour avat esté de quiter Quiers auec peril, plutost que d'y perir laschement; il commanda de batre aux champs, & cette sortie donna lieu aux fameux combat de la Route, que l'on peut mettre au nombre des plus belles retraites qui ayent iamais esté faites par quelque Capitaine que ce soit. L'armée Françoise composée seulement de neuf mil trois cens soixante hommes, partit de Quiers deux heures auant jour le 19. de Nouembre. L'auantgarde où estoit le Comte de Harcour conduite par les Comtes de Turenne & Plessis-Prassin Mareschaux de Camp, le bagage marchoit apres, il estoit suiuy de l'Arriere-garde commandée par ce Capitaine: La resolution de ce depart auoit esté prise secrettement, neantmoins elle vint à la connoissance du Marquis de Leganez, qui l'ayant fait sçauoir au Prince Thomas, il sortit de Turin, sit marcher toutes ses forces à sa rencontre, luy se disposa de charger l'arriere-garde auecles siennes. Les troupes du Prince Thomas estoient de trois mil hommes de pied & de quinze cens cheuaux, celles du Marquis de Leganez de neuf mil fantassins, cinq mil cheuaux & quelques pieces de campagne.

Dés les huit heures du matin la Caualerie Espagnole ayant quitté tous ses postes, commença de costoyer l'Arriere-garde Françoise sur la gauche, & tous les esforts qui se firent alors, se terminerent en des escarmouches legeres, voila pour quoy cette Arriere-garde n'auoit point discontinué sa marche; mais pour l'arrester, au passage de la Route, où le Prince Thomas chargeoit aussi l'Auant-garde de son costé, le Marquis Espagnol detacha trois gros Escadrons pour sondre dessus nos coureurs: Ce qui obligeant ce Capitaine à commander que l'on sit alte, il sit tourner teste à ses troupes & les disposasses.

lon la commodité qu'ilauoit, afin de profiter des auantages du terrain: Les sieurs de Florinville & de Porcheux furent commandez pour soustenir les coureurs, le premier auec trois cens mousquetaires, l'autre auec cent cinquante du Regiment des Gardes, & de la Compagnie du Prince de Condé; Ce qu'ils sirent auec tant de cœur, que ces trois Escadrons surent renuersez & battus apres vn combat merueilleux: sur quoy le Marquis de Leganez arriuant auec toute son Armée, il sit placer deux batteries & sit donner en mesme temps aux

flancs de cetre Arriere-garde.

Pour resister à cette furieuse attaque qui dura deux heures, ce Capitaine visita tous ses Escadrons & ses Bataillons, encouragea les soldats par son exemple & par sa resolution, fur genereusement secondé par tous les Chefs & les Capitaines, & fit combatreauec vne telle conduite, que les Ennemis ne l'ayans pû trouuer ouuert pour l'enfoncer, furent contrains de se retirer auec grande perte Mais le Marquis ayant appris sur les cinq heures, que le Prince Thomas éstoit aux prises auec l'Auant garde, il retourna furieusement au combat, attaqua de quatre costez & continua la messée iusques bien auant dans la nuit, sans gagner vn poulce de terre : de sorte que nos mousquetaires n'ayans plus rien dans leurs bandollieres, ils eurent recours aux espées, auec lesquelles ils soustindrent si bien le combat, que le General Espagnol voyant ses troupes harassées sans auoit acquis aucun auantage, se retira sur les trois heures apres minuit pour leur doner vn peu de relasche. C'estoit pourtant auec dessein de retourner à la charge, aussi tost que le retour du Soleil luy en donneroit la commodité, mais ce Capitaine ayant apris que le Prince Tho? mas auoit esté defait par le Comte d'Harcour, il se prevalut si bien de la retraite des Ennemis, que ses troupes furent toutes passées auant jour : De sorte que les Espagnols n'eurent que le regret de trouver trois mille morts, dessus la poussière, tant de leur costé que de celuy du Prince Thomas, pour quatre cens soixante François qui demeurecourses police, commença de collever l'A rent sur la place.

Ce combat qui dura six heures auec des sorces tant inegales, acquit vne gloire immortelle aux armes de sa Majesté: ce Capitaine qui les auoit commandées en partie, receut aussi la satisfaction d'effre loué par la plus auantageuse bouche de France, ie veux dire par le Cardinal Duc de Richelieu, qui luy promit sa bien-veillance

auec l'estime de sa Majesté. gudo up o l'empruos consulteb est

Le commencement de la campagne de 1640, sur le secours de

Cazal, pour lequel la necessité forçant le Comte de Harcour à donner bataille, il luy donna l'aile gauche à commander: mais ayant trouué de grandes dissicultez à l'attaque que la droite deuoit faire aux lignes, il reuint à gauche, prit six Regimens d'Infanterie qu'il y auoit laissez, & les mena combatre à la droite. Iusques-là l'on n'auoit point veu d'exemple que la Caualerie seule eut gagné des retranchemens: Neantmoins ce Capitaine exploita tant heureusement auec la sienne, que s'estant ouvert vn passage, il ne contribua pas peu de chose à cette memorable victoire, qui conserua Cazal, par la ruine de la meilleure partie des sorces Espagnoles: l'ordre qu'il tint

pour cette attaque fut celuy qui suit:

Il avoit esté reconnoistre les lignes d'une colline qui les decouroit. auoit fait voir à ses Officiers l'endroit par lequel il deuoit entrer & tout d'vn mesme temps vne cassine aupres de laquelle il leur auoit ordonné de se ioindre incontinent qu'ils seroient entrez : Si tost que ces remarques furent faites, il commanda le sieur de la Luzerne auec trois Regimens pour attaquer vn gros de Caualerie, qui gardoit l'eminence S. Georges, alla cependant à la teste de trois Regimens qui luy restoient, chercher vn endroit par lequel vn homme à che ual pourroit entrer sans difficulté, fit passer par là cinquante Maistres conduits par Lonay Lieutenant, & Granval Cornete: Et dautant que ceux qui gardoient les lignes, se mirent en estat de les conseruer. il fit donner si brusquement par tous ceux quil'accompagnoient, que les retranchemens estans emportez apres une resistance assez vigoureuse, la retraite de ceux qui suyoient, donna tant d'épouuante à quelques Escadrons qui venoient pour les appuyer, que ce Capitaine avant ioint le sieur de la Luzerne à la cassine designée, il luy sut facile de barre & mettre en route tous ceux qui se presenterent de son costé. Les Ennemis n'estans pas sans quelque esperance de se sauuer par le moyen de trois grands bateaux qui se trouuoient dessus le Pô, il s'y en ietta grande quantité pour gagner l'autre bord de cette riniere; mais ce ne fut que pour augmenter leur mal & leur perte : car ayant fait couper les cordes, ces vaisseaux trop chargez enfoncerent; & ce naufrage estant ioint au grand eschec que fit la Caualerie, tanz pour empescher tous les ralliemens que pour la poursuite des suyards qui furent tallonnez iusques à Pondesture, la perte des Ennemisse trouva grande de ce costé-là: Il y gagna quantité de Cornettes & de Drapeaux, huit canons, six mortiers, l'argent destiné pour le payement de toutel'Armée, & sit seize cens prisonniers.

Passeray-ie icy sous silence cette sanglante bataille de Turin, qui deuoit triompher de toutes les forces Françoises qui se trounoient au delà des Monts? Elle est trop belle, & trop auantageuse à mon sujet, pour n'en dire mot, en voicy quelques circonstances, dont les memoires m'ont esté sournis dans vne Piece faite pour le Comte d'Har-

cour, sur sa Campagne d'Italie.

Le premier effort qui fut fait sur nous, commença au quartier de la Mothe Houdancour, entre la Purpurata & la Doüaire, où Dom Carlo de la Gatta parut auec deux mille cinq cens cheuaux, & cinq mille hommes de pied. Ils faisoient marcher deuant eux quantité de fascines, de pontons, d'escheles & d'outils, que les premiers rangs composez d'Officiers Reformez, & couverts de fortes rondaches, firent ietter dessus & dedans le fossé. L'Infanterie des ennemis s'y logea, mal-grétoute la resistance & le feu du Regiment de Villandry, lequel ayant prés de deux mille pas de ligne à garder, ne pût s'empescher, qu'à la faueur & à couvert d'vne telle mousqueterie, ceux qui s'estoient logez dans le fossé, ne fissent un passage pour leur Caualerie, qui entra dans nos lignes en grand nombre: Mais la Mothe y estantaccouru, auec le Regiment de la Luzerne, il les chargea auec tant de vigueur, qu'il les chassa hors des retranchemens, & se rendit Maistre de la Place: Toutesfois ils y entrerent en plus grand nombre par vn autre endroiet, où ils furent si brusquement chargez par ce Capitaine, qu'ils furent contraints de sortir pour la seconde fois de nos lignes, après s'estre messez dans vn combat, qui ne dura pas moins d'vne heure. Nous opposasmes à cette attaque opiniastre, vne deffence vigoureuse qui reuint à la gloire de ce Capitaine, que le Ciel destinoit pour estre le fleau des Espagnols.

Ceste resistance n'empescha pas que les ennemis reuenans pour vne troisses au combat, auec toute seur Caualerie & Infanterie, n'entrassent dans les retranchemens mal-gré les nostres: mais durant le plus fort de l'attaque, les Regimens de Beauregard & du Terrail, arriuerent tant à propos, qu'ils percerent plusieurs fois tous les escadrons ennemis, renuersans les bataillons d'Infanterie, qui commença dessors à s'estonner, insques à ce qu'estant ralliée & remise en ordre, ce Capitaine qui les veit tous passez ou entrez dans son retranchement, retira ses gens auec grande experience, & se couurit d'une haye forte pour les combattre en ce passage, où ils ne pouvoient aller à luy qu'en déssant. Ce qui luy succeda tant heureusement, qu'ayant porté par terre plusieurs de leurs Caualiers qui auoient tenté le passa-

ge, il obligea les autres à retourner en confusion : les ennemis ne laisferent pas de border cette haye auec leur Infanterie, qui sit de si grandes des descharges dessus nostre Caualerie, qu'elle sut contrainte d'aller prendre son champ de bataille dedans vne petite plaine, à deux mousquetades de la courtine de la Citadelle, où les ennemis estoient obligez de passer par necessité: ce qu'ils entreprirent auec vne si belle disposition, que leur marche ayant esté sort considerée par ce Capitaine, il sut contraint d'attendre qu'ils luy monstrassent le slanc, auquel moment il prit son temps si bien à propos, que les saisant charger par toute sa Caualerie, il rompit leurs escadrons, & perça de telle sorte leurs bataillons, que la tuèrie ayant duré par l'espace d'vne heure & plus, il demeura plus de deux mille morts sur la place, la Caualerie se trouuant alors si pressée, qu'elle abandonna l'Infanterie pour se saucerie se trouvant alors si pressée, qu'elle abandonna l'Infanterie pour se saucerie se par la Prairie.

Voila les termes dans lesquels cette bataille est decrite par vn François qui sit le Panegyrique de cette Campagne en faueur du Comte
de Harcour, les Estrangers la releuent encore dauantage, & particulierement Galeazo Gualdo Priorato, qui dans son Histoire du
Temps, attribuë les plus grands coups de cette memorable désaite
à la valeur de ce Capitaine: voicy les propres mots dont il se sert
Francesi li quali Hebero questa vittoria fortunamente è per diligenza
del signor de la Motha, à cui la sorte concesse nella confusione quella
intrepedezza, è temperanza che Pochj Benche prudenti ne sono incast

simili fauoriti.

Cela fait voir que ie ne flate point vne si recommendable valeur, quand ie dis qu'il rendit en cette occasion de grandes preuues de conduite & d'experience, & qu'il y signala son courage aux despens d'vn peuple qui se croit par tout inuicible; mais ie ne m'arreste point en

De vingt-neuf sorties qui furent faites pendant ce Siege, il y en eut vingt-trois qui s'addresserent à son quartier, qui toutes surent vigoureusement repoussées: mais entr'autres, il s'en sit deux le 23. Iuillet, & le premier iour d'Aoust, pour faire sortir de la ville les bou-

ches inutiles, dont il est à propos que ie parle icy.

La premiere qui commença sur les dix heures de nuict, diminua fortles ennemis: le Prince Thomas donna du costé des Gardes; le Marquis de Leganez sit de fortes attaques du costé du Pô, pour sa-uoriser cette sortie, diuisée en abant garde & arriere-garde: l'auant-garde de cinq cens Maistres, conduits par Dom Iuan de Lemos, Es-

pagnol, General de la Caualerie de l'Estat de Milan, marcha le long de la Douaire Susine, sans auoiresté découuerte insques à la Purpurata, où les pionniers ouurirent cette partie des retranchemens, qui estoient entre cette riuiere & vne redoute qui la dessendent : mais se fossé s'estant trouué trop haut, & plein d'eau, l'auant-garde ne peût passer, & dans cette occupation, elle fut surprise par ce Capitaine, qui reuenoit d'vn grand combat, où il auoit contraint l'arriere-garde, commandée par Dom Carlo de la Gatta, de se mettre entre les murailles. Cette Auant-garde se trouuant donc ensermée, elle sut contrainte de demander quartier, & demeura toute prisonniere, à la reserve de quelques Caualiers qui sur l'apparence de se sauver, se perdirent dans la Douaire & dans le sossée. Dom Iuan de Lemos sut le plus considerable des prisonniers; mais dautat qu'il auoit le bras cassé d'vn coup de pistolet, ce Capitaine le renuoya genereusement sans rançon.

Quant à celle du premier jour d'Aoust, concertée entre le Prince Thomas & le Marquis de Leganez, par le moyen du Canon cour-

rier, elle se fit auec ce succez.

La nui à laquelle ce premier iour devoit succèder, estant arrivee, le Marquis marcha avec partie de l'armée Espagnolle, & pour empescher le Comte de Harcour de secourir le quartier de la Purpurata, sit avec vn grand seu de mousqueterie, vne seinte attaque du costé de Colleins, sur lequel temps le Prince Thomas sortit de Turin, avec quatre mille hommes, pour fauoriser la sortie de douze cens cheuaux qui marchoient sous la conduitte de Dom Carlo de la Gatta, avec des sascines & des pontons, pour ne tomber pas dans le mal-heur de la precedente sortie; mais ce Capitaine s'estant vigoureusement opposé à cette entreprise, avec toutes les trouppes qu'il commandoit, il contraignit, aprés vn combat surieux, le Prince Thomas & Dom Carlo de la Gatta, de r'entrer dans laville avec desordre, la issant quantité de morts au champ de bataille; & cette courageuse opposition causala reddition de Turin, qui ne sur pas vn petit progrez pour les affaires de Piedmont.

Voila ses emplois d'Italie: ceux qu'il eut peu de temps aprés dans la Catalogne, se trouuerent beaucoup plus grands & plus espineux: nous en mettrons le recit dans la Seconde Partie de ce Panegyrique, que vous verrez dans deux ou trois iours; nous parlerons tout d'vn mesme temps des calomnies qui le sirent arrester dans Lyon, & des motifs qu'il a eus pour continuer ses seruices à l'Estat, sous l'authori-

té de l'Auguste Senat de Paris.



LE HERAVLT FRANÇOIS

OV

Le Paranymphe de Monsieur le Mareschal de la Mothe-Houdancour, Duc de Cardone, &c.

Publiant les Batailles qu'il a données en Italie & Catalogne, auec les memorables actions de sa vie.

SECONDE PARTIE.

O v s auons veu les premiers exploits de ce Mareschal, ils nous ont sourny d'vnample sujet de parler à son auantage: Acheuons ce Panegyrique par des actions plus hautes & plus releuées, & ne nous espargnons point à louer vn homme qui merite d'estre loué par tous les hommes. Nous auons promis de conti-

nuer le discours de sa vie par les merueilles qu'il a faites en Catalogne, il est raisonnable que la seconde partie de cét Ouurage com-

mence par là.

Le Roy ayant esté esseu Prince de Catalogne par le consentement de tous les peuples de cette Prouince, qui reclamerent sa protection contre la fureur des armes Espagnoles: Ce Capitaine sut choisi par sa Maiesté pour dessendre cette essection & conseruer à la France cette belle Principauté, apres que le sieur d'Espenan eut esté contraint d'en sortir par la force des armes du Roy Catholique. Si tost que les ordres de ce voyage luy surent donnez, qui sut sur la sin du

mois de Ianuier de 1641. Il partit de la Cour & ne s'arresta point qu'il ne sur arrivé dans Barcelone, où la reputation qu'il s'estoit acquise en Italie, le sit recevoir auec de grands tesmoignages de ioye, asseura Messieurs de la Deputation contre les apprehensions qu'ils auoient des forces conduites par le Marquis de Loz-Velez, & commença de faire trauailler aux fortisications necessaires à cette capitale Ville: mais il sur bien tost contraint de laisser ce soin, dautant que le Roy d'Espagne iugeant la guerre de Catalogne beaucoup plus importante que toutes celles qu'il auoit ailleurs, y iettoit ses principales sorces & formoit en mesme temps trois Armées sort considerables.

Se mettant donc promptement en campagne pour arrester quelques vns de ces Generaux ennemis & particulierement le Duc de Nocere, qui faisoit batre les murailles d'Aytone, Il se rendit à Lerida qui branloit par l'approche de cette Armée, calma toutes les sactions que les Ennemis du repos de l'Estat y auoient esmeuës, ietta cinq cens hommes dans la place que l'on assiegeoit, & trouuant quelques forces disposées à le suiure, marcha contre le General Espagnol auec vne promptitude si grande, qu'il luy sit leuer le siege pour

asseurer son Armée au delà des riues de la Cinca.

Le Duc de Botere & le Marquis de Leganez Generaux des deux autres Armées auoiet resolu de se ioindre, mais le mauuais succez de celle du Duc de Nocere qui se dissipe, les sit arrester chacun en son poste, le Prince de Botere dans la plaine de Terragone, le Marquis de Leganez à Tortose, ce qui donnant lieu à ce Capitaine de se representer tous les accidens qui luy pouuoient arriuer en cette campagne. Il creut qu'il ne suffisoit pas d'auoir desia ruine la troissesme partie des forces Ennemies: mais qu'il falloit per le les deux autres en leur ostant les moyens de se ioindre. Pour paruenir à son dessein il se saisst du col de Cabre, sit attaquer celuy de Balaguier sortissé par les Ennemis, depuis que le Marquis de Loz-Velez le pristen allantassieger Cambrilz, l'emporta par la perte de quatre cens Espagnols qui furent tuez, le garnit de puissantes troupes, & pour acheuer de l'asseurer contre de si puissans Ennemis, alla camper à la veue du Prince de Botere: mais en lieu tant auantageux qu'il n'y pouuoit estre forcé que par des efforts peu communs, ny l'Ennemy qui postoit dans la plaine de Terragone, entrer en Catalogne que par là.

Le peu de forces qu'il auoit, le fit tenir long-temps en ce lieu comme s'il eust vouluseulement seruir de barre à toute la fougue Espagnole; mais ayant receu de belles troupes du Roussillon, il ne voulut plus demeurer sur la dessensive seulement, il descendit à la plaine de Terragone, y prist les villes de Valz, l'Escouuette, Constantin, & le Fort de Salo, par l'assistance de l'Armée nauale, sans que le Duc de Botere se mit en estat de s'opposer à tant de progrez.

Par la prise de toutes ces places l'Armée Espagnole se veit tant estroittement resservée que ne pouuant plus subsister en son poste, elle fut contrainte d'aller camper à la portée du canon de Terragone, où elle tomba en des necessitez si pressantes, qu'apres auoir mangé toutes les prouissons de la ville, il entenoit la prise infaillible, si l'Archeuesque de Bourdeaux eust bien gardéle costé de la mer. Le secours qu'elle receut par là n'estant pas toutefois de si grande consideration qu'il pust exempter l'Armée & la Ville des incommoditez qu'elles souffroient: Le Roy Catholique enuoya ses ordres au Marquis de Leganez de secourir cette Armée par terre, & au Duc de Ferrandine de faire de pareils efforts par mer pour sauuer la place. Le premier se mit donc en campagne & tenta le col de Balaguier, ne croyant pas estre moins heureux que le Marquis de Loz-Velez qui estoit entré par là dans la Catalogne; mais ce passage se trouua garni de si braues hommes, que ce General Espagnol ayant esté repoussauec grande perte, fut contraint de se retirer à Tortose, & ce qui fur plus considerable en cette contre-marche, c'est que son Armée quasi toute composée de milice, se dissipa dans cinq ou six iours. Quant au Duc de Ferrandine il fut plus heureux, il secourut pour la seconde fois cette Armée: Toutefois le dernier effort seruit beaucoup plus à sauuer la Ville, qu'à la conservation de ces troupes, lesquelles ayans esté consommées par les armes & la necessité, n'estoient plus alors que de deux mille fantassins & trois cens cheuaux.

Ce petit nombre ne laissa pourtant pas d'agir, & le General qui les commandoit, voulant fairevn dernier effort dans le dessein d'occuper vn poste qui suy pouvoit eslargir la communication de la mer, il trauailla si soigneusement qu'il ajousta six cens chevaux à ce qui suy restoit de Cavalerie, & se proposa d'enseur vn des quartiers de l'Armée Françoise: sur quoy ce Capitaine donnant ses ordres au sieur de
Serignan de s'avancer avec mille mousquetaires & cinq cens cheuaux insques à Tamaric, village essoigné de Terragone d'vne petite
lieuë, il mit suy mesme vne partie de ses troupes en embuscade sur
les eminences voisines; mais estant averty par les gardes avancées,
que les Ennemis marchoient en plus grand nombre que l'on n'avoit

dit, il reuint toutes ses troupes, se mit à la teste de sa Caualerie, sie marcher son Infanterie par vn Vallon fauorable à couurir sa marche, mit toute son Armée en bataille le long d'vne montagne, de laquelle il decouurit la posture des Ennemis, & se tint en estat de les attaquer. Peu de temps ayant suffipour faire voir vn grand controy de fourageurs, qui s'estans apperceu de l'embuscade, marchoient pour occuper vn poste qui se dessendoit naturellement, Il commandale sieur de Serignan pour les aller chasser de ce poste, & voyant deux Escadrons de reserue trop auancez, les alla charger si gaillardement que les ayant tous passez au sil de l'espée, il n'eut point d'empeschement pour marcher contre toute l'Armée ennemie qui sut recoignée insques dans ses retranchemens qu'elle auoit quittés pour le secours de ces sourrageurs.

Ce combat où le Prince de Botere perdit six cens hommes tuez sur la place, cinq cens prisonniers, tous les hommes d'armes que l'on appelloit Cruzados, neus cens mules & quelque autre butin, ayant acheué de ruiner toutes les Armées du Roy Catholique, ce Capitaine reprit le chemin de Lerida où la reuolte se renouvelloit, y seiourna trois ou quatre iours pour remettre toutes choses dans le calme, laissa dedans de sortes troupes pour arrester l'insolence des sactieux, & se mit dereches en campagne auec quinze cens santassins & mille cheuaux seulement, pour apprendre des nouvelles des Arragonnois, qui s'esseulement auec dessein de suivre la reuolte des Catalans.

Sa diligence luy ayant fait sçauoir que le Roy d'Espagne auoit appaise cet orage par l'emprisonnement du Duc de Nocere, que l'on soupçonnoit estre l'auteur de ces mouvemens, il se crût inutile sur les frontieres de ce Royaum; Voilà pour quoy pensant au retour il prit Tamarit en sa marche, repassa par Lerida pour asseurer de plus en plus les bons seruiteurs de sa Maiesté, retourna promptement vers la plaine de Terragone, sit dresser vne embuscade au Prince de Botere, qui le croyant sur les frontieres d'Arragon, s'estoit mis en carnpagne à dessein d'enleuer vn quartier aux troupes qu'il avoit laissées prés de Constantin, & s'estant heureusement saist de trois Vedetes, sous la diligence desquels cette entreprise deuoit estre heureusement executée, trompa si bien les Ennemis que s'estans auancez sans soupçon, ils furent chargez & taillez en pieces. Cette action qui fut appellée par Louys XIII. LA IOURNEE DES VEDETTES, ne fut pas de petite importance, car le Duc de Botere fut si sensiblement touché de cette perte & des precedentes necessitez qui auoient dissipé toute fon son Armée, qu'il en mourut quatre iours apres dans Terragone.

Cette campagne auoit eu des euenemens glorieux, elle eut vne fin de mesme nature par le secours d'Almenas, qui fut important : Le Duc de Toralte & Dom Vincent de la Mare ayans formé vn nouueau corps d'Armée du debris de celles du Duc de Nocere & du Marquis de Leganez, surprirent cette place située aux frontieres d'Arragon, & firent batre de quatre canons le Chasteau, dans lequel le Gouverneur Catalan s'estoit retiré, esperant de le forcer, avant que l'Armée Françoise fust en estat de le secourir; Mais ce Vice Roy ayant fait vne diligence incroyable pour empescher que cette place ne luy fust rauie, Il l'a sauna par vn artifice qui fit voir son experience au fait de la guerre & son zele au bien de l'Estat. Il commanda tous les Tambours & toutes les Trompettes de son Armée sous les ordres du sieur d'Amboise, enuoya ce Mareschal de Camp par la montagne qui faisoit le plus court chemin d'Almenas, luy ordonna de faire fonner la charge quand il seroit proche de la Ville, marcha cependant par le Vallon suiuy de cinq cens cheuaux seulement, força les gardes laissez dans la Ville, secourut le Chasteau, sit donner aduis au sieur d'Amboise de se retirer, & força Toralte à leuer le siege. Tous ces exploits furent ceux de 1641. ceux de la campagne suiuante ne font pas moins recommendables.

Le Marquis de la Ynoyosa le voyant éloigné des frontieres d'Arragon, se seruit du temps de son absence pour assieger Valz auec cinq mille hommes de pied, douze cens cheuaux & cinq pieces de canon; mais ce dessein ne sut point auantageux à la gloire de ce Chef Espagnol: car ce Capitaine ayant fait vne diligence incroyable pour preuenir la prise de cette place, ce Marquis sut tant estonné de le voir qu'il leua le siege, ce qui ne s'estant fait qu'auec precipitation & par consequent en desordre, il sut contraint de combattre prés de Villelongue, où il laissa neus cens Espagnols sur la place, plusieurs prison-

niers, deux canons, & tout son bagage.

Deux mois aprés, cette victoire fut suivie d'vne autre plus auantageuse, elle arriua sur ce que le Roy d'Espagne voyant Colioure assiegé, Perpignan en peril, & le Roy en chemin pour entrer en personne dans les Espagnes, il se resolut de ietter vne armée considerable dans le Roussillon, & de la fortisser des meilleures trouppes qu'il eut. Il sit donc passer à Roses sur des vaisseaux de Dunkerque & de Dantziè, six mille hommes de pied, auec toutes les munitions necessaires à vne grande armée, sous les ordres de Dom Ioseph Sem, sorma

luy-mesme vn grand Corps, qui deuoit aller ioindre son armée dans le Roussillon, dont il donna la conduitte à Dom Pierre d'Arragon, Marquis de Pouare, & au Duc de Toralte, leur ordonna de passer par la plaine de Terragone, pour y choisir les meilleurs hommes de l'armée que le Marquis de la Ynoyoza commandoit, & trauerser la Catalogne, auec toute la diligence possible; ce qui estant venu à la cognoissance de ce Capitaine, il se mit en campagne, pour observer la marche de cette Caualerie, composée de deux mille cinq cens cheuaux, mille dragons, & mille Officiers Resormez.

Les ennemis qui n'auoient point enuie de combattre, & qui vouloient passer seulement, firent plusieurs feintes pour suspendre son
iugement: Ils enuoyerent des trouppes du costé de Tortose, comme si leur dessein eust esté d'attaquer le Col de Balaquier; sirent courir le bruit que le Roy d'Espagne vouloit entrer dans le Roussillon
par le Comté de Foix, & pour rendre ce bruit vray-semblable, assiegerent Trein ville de Catalogne, située de ce costé-là; mais il ne sut
point esbranlé par toutes ces seintes, il se contenta d'enuoyer à Trein
du secours, qui sit leuer le siege aux Espagnols, commanda l'escarmouche contre le Marquis de la Ynoyosa, qui s'estoit saiss des montagnes, & ne se remua point de son camp, qu'aprés auoir appris par ses
espions, que le Marquis de Pouare s'estoit separé du gros de l'armée,
auec ce Corps d'essite de Caualerie.

Alors iugeant assez des intentions de ce Marquis Espagnol, il se mit en estat de le preuenir, donna rendez-vous à ses trouppes en des quartiers qui se rencontroient sur sa route, escriuit à Dom Ioseph de Marguerit, qu'il eut à camper à San-saloni, auec toute la Milice Catalane, & s'y retrancher en vn endroit où il falloit que les trouppes ennemies passassementes à combattre l'armée ennemie, pour la chasser des montagnes qu'elle occupoit, asin de persuader au Marquis de la Ynoyosa qu'il ignoroit la marche du Marquis de Pouare, & pour l'entretenir en cette opinion, il seignit vne indisposition, pendant laquelle il sit deliurer quelques prisonniers: Mais ayant laissé les trouppes sous les ordres du sieur du Terrail, auec commandement de ne partir point de son poste, il marcha toute la nuict sur des relais, & arriua sur les huict heures du matin à Piere, où estoit le rendez-vous de ses meilleures trouppes.

Vn heure aprés son arriuée, ses basteurs d'estrade l'ayans aduerty que l'ennemy désiloit par vn chemin creux, il sit cacher ses trouppes,

iusques à ce qu'il sceut l'arriere-garde à moitié passée, auquel temps l'ayant fait charger auec furie, il luy tua quatre cens hommes, & fit grand nombre de prisonniers. Cette charge le sit serrer, mais elle ne l'empescha pas de continuer sa marche le lendemain, qui fut le 28. de Mars; ce qui donnant à ce Capitaine vn nouueau sujet d'aller à la charge, le combat y fut beaucoup plus rude qu'au iour precedent : car la victoire demeura long temps en balance; Mais Dom Vincent de la Mare ayant esté pris sur la sin du jour, le champ demeura aux François auec les morts, qui se trouuerent en plus grand nombre qu'au premier combat. Ce second eschec obligeale lendemain 29. tout le reste de l'armée Espagnolle à faire volte-face pour retourner à Terragone, dans laquelle marche ayant esté suivie auec chaleur, Dom Pierre d'Arragon qui la commandoit, harassé de tant d'attaques, preuenu par les continuelles allarmes des Catalans, qui ne luy donnoient point de repos, tousours incommodé de viures, obligé pour la troisiesme fois au combat, qui luy cousta beaucoup plus que les precedens, fut contraint de demander quartier, pour le reste des gens de guerre qui le suiuoient.

Ces trois combats furent accompagnez de quantité de particularitez remarquables: mais n'ayant pas resolu de faire vne Histoire, il me suffira de dire que ce sut vne entiere victoire, des plus importantes qui ayent esté gagnées sur les Espagnols, depuis quelques Siecles; & memorable, en ce que de ce grand Corps d'élite, il ne s'en est pas sauué vn, ayans esté tous tuéz ou faits prisonniers: Quant à la consequence, elle sut d'vne merueilleuse importance: car elle mit le Roy Catholique dans l'impuissance de secourir Colioure, Salces & Perpignan. Aussi le Roy recognoissant cette action tant heroique, l'honora du Baston de Mareschal de France, & proposa dans le Chapitre tenu pour la promotion du Prince de Monaco, de luy enuoyer l'Ordre du Sainct

Esprit.

Après cette signalée victoire, les Catalans qui disoient auoir quelque intelligence à Tortose, l'obligerent à marcher de ce costé-là; mais ayant tenté cette affaire par l'espace de trois iours entiers, il dressa sa marche vers l'Arragon, se mit en possession de Mouçon, l'vne des principales ville de ce Royaume; & sçachant que le Marquis de Terracuse General de l'armée de terre, au lieu du Marquis de la Ynoyoza, marchoit pour ioindre le Marquis de Mortare, qui s'auançoit auec vne armée de 28. mille hommes pour aller attaquer Barcelone; il changea la resolution qu'il auoit prise d'assieger Fragues, pour empessiones de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution qu'il auoit prise d'assieger Fragues, pour empesses de la resolution de la resolution de la resolution de la resolution qu'il auoit prise d'assieger Fragues, pour empesses de la resolution d

cher le dessein de ces Generaux ennemis. Il alla donc camper à Ville-Franche, & retrancha ce poste si puissamment, qu'ayant tenu toutes les sorces ennemies en eschec, iusques à la prise de Perpignan, il obligea le Prince de Toscane, qui s'estoit approché de Barcelone, auec

vne belle armée de mer, à leuer les voiles, & se retirer.

Cela fit que le Roy d'Espagne voyant tant de belles armées ruinées, sous la conduite de ses Generaux, resolut de faire luy-mesme la guerre, & ne proietta rien moins que d'emporter dans la fin de cette campagne, toute la Catalogne & le Roussillon. Ce dessein auoit besoin de forces extraordinaires: Il fit aussi tirer les estendars des ordres des Eglises de Sainct Iacques de Salamanque, de Calatraua, & d'Alcantara, fit conduire à Fragues quarante pieces de canon, enuoya par tout de nouvelles commissions; & mit sous les ordres du Marquis de Leganez, vne armée la plus nombreuse que l'Espagne ait veuë depuis les Maures de Grenade.

Ce Mareschal apprehendant que tant de forces ne sondissent sur luy tout d'vn coup, sit son possible pour combatre le Marquis de Terracuse, auant qu'il eut ioint le Marquis de Leganez; mais sa disigence n'ayant rien seruy pour empescher cette ionction, il tascha de conferuer la ville de Lerida, sur laquelle il preuoyoit bien que cette grosse nuée alloit tomber. La consiance qu'il auoit en la bonté de ses trouppes & en vn posse auantageux, qu'il occupoit, le firent donc resoudre d'attendre auec douze mille hommes, le choc d'vne armée trois sois plus sorte, de laquelle il sut attaqué le 7. d'Octobre, à la veue de la ville de Lerida.

Le combat sut grand, long & opiniastré iusques au bout, la prise de deux de nos canons & nostre aile droite esbranlée par la surieuse atraque de l'Auant-garde, composée de la Noblesse volontaire d'Espagne, des Escadrons des Ordres, & de deux mille cuirasses que quatre mille fantasins appuyoient, faisoient pancher la victoire du costé des Ennemis, lors que ce Mareschal donnant auec sureur & grande conduite, l'aquit à la France par vne valeur qui sembla tenir du miracle. Ie ne décriray point icy cette surieuse bataille qui mit le Roy d'Espagne en danger de voir sa personne entre les mains de ses Ennemis. Ie laisseray faire cét office aux plumes estrangeres qui ne sont point suspectes en cette rencontre, & me contenteray d'inserer icy ce qu'en dit Victorio au second volume de son Mercure, Liure troisième: voicy les mots dont il se sert.

Il Motta ché d'ala sinistra ributato haueua con grandualore. Il feroce assatto 9

del suo essercito è con due Scadroni del Magaloti & con Regimento suo di riserua, rimessa & riuigorata l'ala sinistra, la scaglio con tanto Impeto sopra l'Auant gardia Spagnola, che riuerberando il timore sopra di quelli che erano pur Dianzi aggressori & Vittoriosi in una attomo mutata l'apparenza di quela scena, commenciarono primo à titubare & poscia à saluar si disordinamente.

Sans la nuit la tuërie eust esté plus grande, l'Armée Françoise demeura maistresse du champ de Bataille & des morts qui se trouuerent au delà de deux mille trois cens, entre lesquels surent comptez plusieurs Cheualiers des Ordres, ce qui causa vne grande consterna-

tion dans toute l'Espagne.

Cette Iournée ne fit pas encore toute la gloire de ce Mareschal, ny tout le mal des Ennemis; son iugement luy faisant bien vser de l'occasion qu'il auoit en main, il contraignit le debris de cette effroyable Armée à se retrancher en lieu si desauantageux, que les eaux en ruinerent vne partie, le reste se trouuant entierement dissipé par les diuers partis qui leur surent dessaits. & par la prise d'vn grand

Conuoy qui les affama.

Ce ne sut pas auec de petits mouuemens de colere que le Roy Catholique apprit vne nouvelle si contraire à ses esperances; Ce ne sut pas auec de petites satisfactions qu'elle vint aux oreilles de sa Majesté Tres-Chrestienne: Le premier sit arrester le Marquis de Leganez à Consuegra; l'autre enuoya l'inuestiture du Duché de Cardonne pour servir de recompense à cette glorieuse action; On ne peut mieux exprimer ce bien-sait du Roy que par les Lettres du Cardinal de Richelieu, en date du 24. Octobre de 1642. Voicy les propres termes dont il se servir pour témoigner le ressentiment de sa Maiesté & la satisfaction qu'il en receuoit.

on is applift effected with a de prander extremit, R V B I E N O M.

La nouuelle que nous auons receuë de la deliurance de Lerida par le guain de la Bataille que vous auez emportée contre le Marquis de Leganez, me redonne de nouuelles forces, & n'auance pas peu ma fanté en m'ostant des inquietudes où i'estois de cette place & de l'Armée que vous commandez. Il n'est pas mal-aisé de vous rendre de bons ossices enuers sa Maiesté, puis que vous nous en donnez sujet tous les iours par vos prosperitez: Aussi ie vous puis asseurer qu'il n'y a point de Gentil-homme en France en meilleure estime aupres d'el-

le, ou pour le bien duquel elle se trouve mieux disposée. Pour nouuelles marques de saiustice & de sa bonté enuers vous, elle vous a donné la qualité de Duc & Duché de Cardonne, dont vous tirerez de grands auantages pour supporter les dépenses que vous serez d'ores-en-auant.

Ayant donc receu cette inuestiture par l'Euesque de Nantes son frère, aux mains duquel elle sut mise par Monsieur de Noyers Secretaire d'Estat, il l'a sit enregistrer au Gresse Royal de Barcelonne, & prist possession du Duché auec toutes les sormalitez necessaires, selon les Gonstitutions de Catalogne, & en suite prist la qualité de Duc dans tous les actes publics qu'il sit, ce qui obligea extremement les Catalans de voir qu'vn Gentil-homme François qui auoit tant con-

tribué à leur liberté, estoit deuenu leur compatriote.

Quant à ces exploits de 1643. ils se terminerent au secours de Flix deux fois assiegée par le Marquis de la Ynoyoza & par Dom Iuan de Guaray, & deux fois conseruée en dépit de ces Generaux: A la reduction de la vallée d'Aran toute revoltée, & au secours du Chasteau de Mirauel, dont ie ne suis pas d'auis de taire les particularitez. Ce grand & fort Chasteau situé sur la riuiere de l'Hebre, estant assiegé par le Marquis de la Ynoyoza pour reparer la honte qu'il auoit receuë deuant Flix, la nouuelle luy en fut portée dans Barcelonne, ce qui l'obligeant à sortir auec diligence, il donna le rendez-vous à toutes ses troupes à Flix, dont il prist aussi le chemin, trauersal'Hebre pendant la nuit, marcha droit à Mirauel, dont il approcha de trois quarts de lieuës le iour mesme, fit seinte d'assieger le Chasteau des Maures afin d'amuser les Ennemis pendant qu'il seroit repaistre ses troupes, & d'aprendre l'estat du siege, sit auertir le sieur de la-Val Gouverneur de la place, qu'il estoit aux champs pour le secourir, & partit sur le commencement de la nuit pour aller attaquer le Marquis Espagnol campé à Gandeza, s'il ne pouuoit secourir ce Chasteau, qu'il apprist estre reduit à de grandes extremitez. Marchant donc entre la place & le camp ennemy pour empescher la jonction de toute l'Armée, il apprist que sur le bruit de son aproche le Marquis s'estoit retiré: voilà pourquoy tournant teste droit au Chasteau, il y arriua fur le midy.

Les affiegeans s'estoient retranchez de telle sorte & dans des postes tant auant ageux, que le General Espagnol auoit eu grande raison de croire, que ce Mareschal ne tenteroit pas seulemét le secours de la place: Les Ennemis aussi le voyans arriuer, s'écrierent qu'il venoit as-

sez à temps pour voir iouer la mine & la forcer à sabarbe : En effet se voulans mettre en estat d'executer ces rodomontades, ils tournerent contre luy la bouche des canons qu'ils auoient pointez contre les murailles; mais il ne fallut pas beaucoup de temps à leur rabaisser céte audace : car ce Mareschal ayant reconnû que les retranchemens estoient inaccessibles par le bas, & qu'outre le premier il y auoit vne terrasse derriere la muraille de la basse-cour, dont les Ennemis s'estoient rendus maistres. Il se seruit de l'invention du Gouverneur qui fit faire vn trou dans la muraille au lieu où les retranchemens n'auoient pas esté conduis, parce que le roc estoit escarpé de ce costé-là, mit toute son Armée en bataille deuant les lighes, fit siler sur la brune l'Infanterie qu'il auoit destinée pour entrer, ietta dedans quatre cens soldats par le moyen d'une longue eschele; qui depuis le pied du roc arriuoit iusques à ce trou, y monta luy-mesme auec quelques Volontaires, apresauoir donné ses ordres à ceux qu'il auoit laissez pour donner aux lignes; fit sur la minuitietter quelques pans de muraille à terre, sortit auec impetuosité & chargea brusquement pendant que ses troupes attaquoient vigoureusement d'vn autre costé. Les Ennemis se deffendirent au commencement auec courage, neantmoins estans vigoureusement enfoncez par ceux du Chasteau qu'ils ne croyoient pas en estat de sortir, Ils s'estonnerent, & leurs tranchées furent nettoyées par la mort de quatre cens hommes qu'ils y perdirent. Cela fait les nostres suivirent leur pointe, ils poufferent contre ceux qui gardoient les retranchemens, lesquels se voyans attaquez deuant & derriere demanderent quartier, qui leur fut librement accordé. Il y eut douze cens soldats prisonniers, deux cens Officiers, tous les Mineurs, Ingenieurs & Canonniers, au nombre de soixante & dix, le canon, le bagage, les Drapeaux & les Cornettes demeurerent: de sorte que la victoire sut toute entiere & la défaite dautant plus considerable, que c'estoient les Regimens des Gardes du Roy Catholique & du Prince d'Espagne son fils.

Ce n'est pas seulement dans les actions de guerre que ses services ont esté de poids, il ne sut pas moins Polititique que bon soldat & Capitaine car il conserva les Catalans dans l'amour qu'ils auoient pour sa Majesté, se rendit sort exact dans l'observation de leurs privileges, ne permit iamais aucun quartier entre les troupes Françoises & les Espagnoles, que ces derniers ne l'eussent accordé premierement pour les Catalans que pour les François, & sit viure les nouveaux sujets de sa Majesté pendant la guerre, comme s'ils eussent esté dans vn

temps de paix; Mais cette eminente vertu fut comme les superbes Tours qui sont plus sujettes aux foudres que les edifices plus bas, il eut des envieux, comme il avoit eu des admirateurs. Le Mazarin que la suite du temps a fait voir estre l'Ennemy juré de l'Estat & des bons François, n'ayant pû souffrir qu'vn si grand homme ne sut redeuable qu'à sa propre vertu des auantages qu'il possedoit, ou pour mieux dire, n'esperant pas de le voir plier sous sa tyrannie, pour en faire vn Ministre de ses iniustices, il le rédit criminel deuant les souueraines Puissances, si bien que sortat de Catalogne pour venir en Cour, felon les ordres qu'il en auoit receus au retour de la derniere défaite des Espagnols deuant Mirauet, il fut arresté prisonnier dans Lyon, mis dans une des forteresses de cette ville, & gardé là-dedans iufques en 1648, que la Cour de Parlement de Bourdeaux ayant reconnû que son zele au bien de l'Estat faisoit tous ses crimes, le mit dans

les droits de sa liberté par vn Arrest instement donné.

Son salut s'estant alors trouvé dans l'integrité de ses Iuges, ses ennemis qui ne l'auoient pû perdre ouvertement, le voulurent faire auec artifice, on luy ouurit les chemins de la Cour, pour l'engager dans quelque dangereuse commission, ou le faire perir par vne invention plus lasche; mais le Ciel qui le destinoit pour l'appuy d'vn Estat, la gloire duquel auoit esté l'objet de tous ses exploiets, ayant mis l'Auguste Senat de Paris, dans les sentimens de releuer le Sceptre François, que la tyrannie d'vn Ministre Estranger vouloit perdre, il se sentit si puissamment eschauffer de cette religieuse chaleur, qui faisoit agir tant d'Hommes Illustres, qu'il offrit au salut de l'Estat cette mesme valeur,& cette mesme experience qu'il auoit si souuent employée à la ruine de ses ennemis: ce qui fut accepté de bon cœur par le Parlement, qui n'ignore pas ce que vaut sa conduite à toute la France. Les occasions ne se sont pas encor presentées pour faire executer ce genereux employ, qu'il a pris pour le bien public; Lors que ie le verray marcher à la teste de nos escadrons, & foudroyer ceux qui blessent l'authorité Royale, sous pretexte de la conseruer. Ie ne seray pas le dernier à me taire, & continuëray ce Panegyrique par vne troisiesme Partie.

personal backles of the state of the control of the control of the state of the sta